


3

Толқын тербеген
ауыл

4

«Болашақ» шыққан
бір белес

Сыр бойы

№33 (20909)

4 наурыз, сейсенбі 2025 жыл

Қызылорда облыстық қоғамдық-саяси газет. 1929 жылдың 1 шілдесінен шығады

www.facebook.com/syrboyi.kz

www.instagram.com/syrboyi_kz

t.me/syrboyi_kz

twitter.com/syrboyi

/// НАЗАРДАҒЫ НЫСАН

ВАГОН ЗАУЫТЫ ІСКЕ ҚОСЫЛАДЫ

Көлік кешенінің жетекші тармағы жолаушыларды алыс-жақынға тасымалдайтын облыстың теміржол саласында вагон шығаратын зауыт іске қосылады. Ірі өндірістік алаңда жолаушылар тасымалдайтын вагондар заман талабына сай жабдықталып шығарылмақ. Мұны жүзеге асыратын «Марал Нұр» ЖШС. Инвестициялық жоба барысымен ҚР Премьер-министрінің бірінші орынбасары Роман Скляр өңірге сапарында танысқан болатын.

«Назардағы нысан» басына арнайы барған едік.

Мекеме 2005 жылы құрылып, техникалық жөндеумен айналысты. 2008 жылдан бастап жолаушылар тасымалдап келеді. Ең бірінші болып облыстан өзге өңірлерге маршрут ұйымдастырды, 20 жылдан астам тәжірибесі бар мекеме үш бағытта жолаушылар тасымалдайды. «Қызылорда-Павлодар», «Жезказған-Астана» және «Қарағанды-Қаражол» бағыты. Қазір онда 250-ден астам адам еңбек етеді.

Серіктестік директорының кеңесшісі Әбдімәулен Әлішев жоба туралы кеңінен әңгіме қозғайды.

— Теміржол саласында 45 жыл еңбек етіп келемін, ал «Марал Нұр» ЖШС-на келгелі 15 жыл. Қазақстан бойынша жолаушылар вагондарын жөндейтін мекемелердің барлығы мемлекет тарапынан қолдауға ие. Себебі, жөндеу, тасымалдау жұмыстарына мемлекет көмектесіп отырады. Жолаушылар алған билеттен түскен қаржы шығындардың орнын толтыра алмайды. Бұрын елімізде вагон жөндейтін санаулы зауыт болатын, олар да уақыт өте келе жабылып қалды. Кейіннен ашылып, жекенің қолына өтті.

2-бет



/// ЕЛ ЖАҢАЛЫҚТАРЫ

ТҮРКІСТАННЫҢ ЕРЕКШЕ МӘРТЕБЕСІ

Мемлекет басшысы «Түркістан қаласының ерекше мәртебесі туралы» Қазақстан Республикасының заңына қол қойды. Заңда еліміздің рухани, тарихи-мәдени, туристік орталығы және сәулет мұрасы ретіндегі Түркістан қаласының ерекше мәртебесі бекітілген. Бұл туралы «ҚазАқпарат» хабарлады.



Жалпы құжатта тарихи-мәдени мұраны ерекше сақтау белгіленген. Нақтырақ айтқанда, Қожа Ахмет Ясауи кесенесі мен басқа да ескерткіштерді қорғау, археологиялық және ғылыми-реставрациялық жұмыстарды реттеу, тарихи-мәдени мұраны қайта жаңғырту және ұлттық колонерді дәріптеу бар. Сондай-ақ қорғау аймағында биіктігі мен сәулеті үйлеспейтін ғимараттарды салмау, археологиялық ескерткіштердің резерватын құру, мүгедектігі бар адамдарға қолжетімді инфрақұрылым және инклюзивті туризм құру арқылы қалада жайлы орта қалыптастыру, қаланың бірыңғай келбетін — сәулет ерекшелігін сақтау үшін дизайн-код енгізу секілді басымдықтар қарастырылған. Бұл ретте тиімді басқару мен бақылау үшін әкімдік пен мәслихат өкілеттігін кеңейту, мемлекет тарапынан колонер шеберлерін қолдау, көлік транзитін реттеу, туризмді дамыту және тұрмыс сапасын арттырумен қатар қаланың тарихи ерекшелігін сақтау да ойластырылған.

Заңның мәтіні баспасөзде жарияланады.

ӨТКЕЛДЕ ЕРЕЖЕ БҰЗҒАНДАР ҚАТАҢ ЖАЗАЛАНУЫ МҮМКІН

«Қазақстан темір жолы» ұлттық компаниясы» АҚ теміржол бойында жұмыс істейтін қызметкерлер мен жалпы тұрғындардың қауіпсіздігін сақтау мақсатында ереже бұзғандарға жауапкершілікті қатаңдатпақ деп жазды Egemen.kz.



Фото ашақ дереккөзінен

Осы мақсатта компания мемлекеттік органдарға өтініш жолдауды жоспарлап отыр. Өтініште қозғалыс қауіпсіздігін бұзуға, жол-көлік оқиғаларына, сондай-ақ белгіленбеген жерлерден темір жолдар арқылы өтуге, жол бойындағы жолақтарда мал жайғандарға әкімшілік-қылмыстық жауапкершілікті қатаңдату сұралады.

ҚТЖ мәліметінше, осы жылдың қаңтар-ақпан айларында теміржол өткелінде 4 жол-көлік оқиғасы болған.

«1 наурызда Атырау облысындағы «Тендік» станциясының теміржол өткелінде жүк көлігі жүк пойызымен соқтығысты. Оқиғаға жүк көлігінің иесі себеп болғаны анықталды. Апат салдарынан локомотив бригадасының қызметкерлері зардап шегіп, локомотив пен 11 бос вагон рельстен шығып кетті» делінген компания хабарламасында.

Ал былтыр теміржол өткелдерінде 26 жол-көлік оқиғасы тіркелген.

/// ОБЛЫС ӘКІМДІГІНДЕ



САПА МЕН МЕРЗІМ ҚАТАҢ СҰРАЛАДЫ

Облыс әкімі Нұрлыбек Нәлібаевтың төрағалығымен бюджет қаржысының игерілуі, құрылыс нысандарындағы жұмыс қарқыны, коммуналдық қызмет санитарлық тазалық пен абаттандыру мәселелері, осыған дейін берілген тапсырмалардың орындалуы талқыланған жиын өтті. Оған қала, аудан әкімдері және жауапты сала басшылары қатысты. Бұл туралы облыс әкімінің баспасөз қызметі хабарлады.

— Бюджет қаражатын тиімді игеріп, нақты бағыттарға жұмсау қажет. Мен бұған дейін де үнемі ескертіп келемін, құрылыс нысандарындағы жұмысты бақылауға алыңыздар. Мердігер мекемелермен ұдайы байланыста болып, құрылыстың басына барып тексеріңіздер. Жаңа нысан пайдалануға берілместен бұрын кемшіліктер жөндеуі керек. Бірінші әрі басты талап — сапа, сосын жұмыс мерзімінде аяқталуы тиіс. Құрылысы жүріп жатқан әр нысанның сәулеті мен келбетіне баса мән беру керек.

Алдағы мереке күндері коммуналдық қызметтер үздіксіз жұмыс

істеуі қажет. Тұтынушыларға жарық, жылу, су беруде, жолаушылар тасымалында ешқандай мәселе туындамауын қадағалаңыздар.

«Таза Қазақстан» экологиялық бағдарламасы жалғасуда. Тазалық жұмыстарын күнделікті әрі уақытылы жүргізуді тапсырамын, — деді облыс әкімі.

Сонымен қатар, жиында межелі көрсеткішке қол жетпеген жағдайда жауапкершілік бірінші басшылардан сұралатыны ескертілді.

«СБ» ақпарат



Мемлекет басшысының бастамасымен іскер асқан «Таза Қазақстан» экологиялық бағдарламасы көп өңірде қоршаған ортаны жақсартуға және экологиялық мәдениетті қалыптастыруға үлкен серпін берді. Бұл бастама бүкіл аймақ тұрғындарын біріктіріп, Қызылорданы ең таза қалалардың біріне айналдырды. Бұл аз десеңіз, көше тазалығын сақтап қана қоймай, тұрмыстық қалдықтан табыс табуға да жол ашылды.



Коллаж Қ.Оразбаев

ТҮРМЫСТЫҚ ҚАЛДЫҚ ТА ТАБЫС ӘКЕЛЕДІ

Өткен жылы Үкімет отырысында облыс әкімі Нұрлыбек Нәлібаев қатты тұрмыстық қалдықты қайта өңдеу жобаларының жүзеге асырылуы және қайталама шикізаттан өнім шығаратын зауыттар құрылысы туралы баяндаған болатын. Талқылау барысында Премьер-министр Олжас Бектенов бұл тәжірибенің тиімді тұстарын ерекше атап өтіп, басқа өңірлер әкімдеріне осы үлгіні енгізуді тапсырды.

Бүгінде өңірде қатты тұрмыстық қалдықты қайта өңдеумен 17 кәсіпкерлік субъектісі айналысуда. Мемлекет басшысының тапсырмасына сәйкес, жақын арада қуаттылығы жылына 500 мың тоннадан асатын 9 зауыт іске қосылады. Бұл кәсіпорындарда 500-ден астам жаңа жұмыс орны ашылмақ. Ал 8 жоба «Жасыл даму» АҚ қаржыландыру механизмі арқылы жүзеге асырылады.

Облыстық табиғи ресурстар және табиғат пайдалануды реттеу басқармасының мәліметінше, қазіргі уақытта облыс орталығында тұрмыстық қатты қалдықты сұрыптау, қайта өңдеу және көтерме жарату бойынша үш жоба іске асырылуда. «With You E&C Kyzylorda» ЖШС-ның қолданыстағы полигонның жаңғырту жобасы аясында онтүстіккореялық технология бойынша тұрмыстық қатты қалдықты сұрыптау және қайта өңдеу зауытын салу жоспарланған. Полигонның қуаттылығы жылына 60 мың тоннадан 300 мың тоннаға дейін артады.

“ Ал «Seven Rivers Technologies» ЖШС неміс технологиясы бойынша жылдық қуаты 86 мың тонна болатын шыны ыдыс шығаратын зауыт тұрғызады. Жобаның құны — 31 млрд 360 млн теңге.

Өндіріс процесінде 49%-ға дейін шыны қалдықтарын қайта қолдануға мүмкіндік бар, бұл жылына 40 мың тонна дайын өнім (143 млн бөтелке) шығаруға мүмкіндік береді.

3-бет

КЕЛЕСІ
САНДА

ҚОЛ ШИПАСЫНЫҢ
ҚҰДІРЕТІ
БҮЛ ТУРАЛЫ МЕДИЦИНА ҒЫЛЫМДАРЫНЫҢ
МАГИСТРІ ОЛЖАС АХМЕТОВПЕН СҰХБАТТАН
ОҚИ АЛАСЫЗДАР

Валюта бағамы:

\$ 499,22 kzt

€ 519,14 kzt

₸ 5,64 kzt

Ауа райы:

Сейсенбі



-3°



-8°

Сәрсенбі



+5°



-4°



ТҰҒЫРЫ БИІК ТАТУЛЫҚ



Облыс әкімдігінде Қазақстан халқы Ассамблеясының 30 жылдығы және 1 наурыз – Алғыс айту күніне арналған мерекелік іс-шара өтті.

Оған облыс әкімінің бірінші орынбасары Данияр Жаналинов, облыстық Қазақстан халқы Ассамблеясының белсенділері, ардагерлер, үкіметтік емес ұйым жетекшілері, саяси партиялардың облыстық филиал төрағалары және БАҚ өкілдері қатысты.

Мерекелік шара Мемлекеттік Гимнмен басталып, облыс әкімінің бірінші орынбасары ел Президентінің құттықтауын оқыды, барша қатысушыларға ізгі лебізін білдірді. – 1 наурыз – елімізде тыныштық, өзара сенім мен құрметтің орнығуына негіз болған

Алғыс айту күні. Қазақстан халқы Ассамблеясы өзінің 30 жылдық тарихында береке-бірлігіміздің ұйытқысына айналып, елдегі татулық пен тұрақтылықтың кепілі болып келеді. Қызылорда облысында 30-дан астам этнос өкілдері өсіп-өніп, Сыр өңірінің дамуына үлес қосуда. Қазақстан халқы Ассамблеясы 130-дан астам этнос өкілін біріктіріп, жалпыұлттық келісімнің негізін қалады, – деді Д.Жаналинов.

Іс-шарада облыстық Ассамблея ардагері Асылбек Жұмабаев және «Ассамблея жастары» ұйымының белсенді мүшесі Бахар Милиярова сөз сөйледі.

Еліміздегі барлық этнос өкілдерінің арасында достық пен ынтымақтастықты нығайту, мәдени байланыстарды қолдау, жастарды ұлттық құндылықтарға баулу аса маңызды. Ассамблея мүшелері өз тәжірибелерін бөлісіп, елдің бірлігін сақтап, оны нығайтуға атсалысуда.

Осы күні бірлік пен келісімді нығайтуға үлес қосқан азаматтарға құрмет көрсетілді. ҚХА белсенділері және жұмысшы мамандық иелері облыс әкімінің Алғыс хатымен марапатталып, Қазақстан халқы Ассамблеясының 30 жылдық мерейтойы салтанатты түрде ашылды.

АЙМАҚ БАСШЫСЫНЫҢ АЛҒЫСЫ



Облыс әкімі Нұрлыбек Нәлібаевтың тапсырмасына сәйкес облыс әкімінің орынбасары Шахмардан Байманов, Қызылорда қаласының әкімі Нұржан Ахатов және жауапты сала басшылары «Қызылорда тазалығы», «Жасыл Қызылорда», «Қызылорда автобус паркі» мен «Қызылорда жылу-электр орталығы» мекемелеріне барды. Мерекеге орай коммуналдық қызметтердің үздіксіз жұмысын қамтамасыз еткен жұмысшыларға аймақ басшысының Алғыс хаты табысталды.

– Баршаңызды Алғыс айту күнімен шын жүректен құттықтаймын!

Ауа райының қолайсыздығына қарамастан, күндіз-түні тазалық сақтауға аянбай атсалысып келесіздер.

Қала халқының тыныс-тіршілігіндегі қалыптасқан ырғақ бұзылмау үшін жолаушылар тасымалы, коммуналдық қызмет көрсету саласы қызметкерлері

уақытпен санаспай еңбек етеді. Тұрғындарды дүтітеген жеріне жеткізіп, әр үйді жарықпен, жылумен қамтамасыз етеді.

Сіздер, жұртшылыққа жайлылық, елге қуат, жанға шуақ сыйлап келесіздер. Тұрмыс-тіршілігіміздегі аса маңызды салалардың дамуына қосқан үлестеріңіз үшін аймақ басшысының алғысын жеткізуге арнайы келдім, – деді Шахмардан Байманов.

БІРЛІК ТАҚТАСЫ

Қазақстан халқы Ассамблеясының 30 жылдығы мен Алғыс айту күнінде Қызылордадағы «Достық үйінде» «Бірлік пен келісім жолындағы 30 жыл» ескерткіш тақтасының салтанатты ашылу рәсімі өтті.

Республика бойынша бірінші үлгіде жасалған ескерткіш барлық өңірлерде бір мезетте ашылды.

Рәсімге облыс әкімінің орынбасары Шахмардан Байманов, облыстық Қазақстан халқы Ассамблеясының өкілдері, этномәдени бірлестіктердің мүшелері және БАҚ өкілдері қатысты.

Ескерткіш тақта – Қазақстан халқының ынтымаққа негізделген өмір салтын насихаттау, қоғамдағы бейбітшілікті бекітудегі тарихи маңызға ие белгі.

Облыс әкімінің баспасөз қызметі

МЕРЕКЕЛІК КОНЦЕРТ

Қызылордада Қазақстан халқы Ассамблеясының құрылғанына 30 жыл және 1 наурыз – Алғыс айту күніне орай ерекше мерекелік концерт өтті. Осы маңызды даталарға арналған шараға облыс әкімінің орынбасары Шахмардан Байманов, Қазақстан халқы Ассамблеясының ардагерлері, этномәдени бірлестіктердің төрағалары мен мүшелері, облыстық ҚХА құрылымының белсенділері, қала тұрғындары және БАҚ өкілдері қатысты.

Концерт облыстық Ассамблеяның 30 жылдағы жеткен жетістіктері мен осы уақыт аралығындағы ел дамуына қосқан үлесін бейнелейтін бей-

нероликпен басталды. Мерекелік бағдарламада түрлі этнос өкілдері ұлттық киімдермен сахнаға шығып, бірлік пен достықты, ынтымақтастықты

паш еткен әсерлі көріністер көпшіліктің көңілін көтерді.

Шахмардан Асқарұлы жиналғандарға облыс әкімі, облыстық Қазақстан халқы Ассамблеясының төрағасы Нұрлыбек Нәлібаевтың құттықтауын жеткізіп, ассамблеяның белсенділеріне аймақ басшысының Алғыс хатын табыстайды.

Мерекелік концертте облыстық этномәдени бірлестіктердің шығармашылық ұжымдары өнер көрсетіп, көрермендерге ұмытылмас әсер қалдырды.

ХАЛЫҚТЫҢ СЕНІМІ ӘРІ НӘТИЖЕЛІ ЖҰМЫС

Облыс прокуроры қызылордалықтарды әр аптаның сейсенбісінде қабылдайды. Ал орынбасарлары мен басқарма бастықтары тұрғындардың талап-тілегін кестеге сәйкес күн сайын тыңдауға дайын.

Ақпарат құралдарының өкілдерімен, әлеуметтік желі белсенділерімен кездескен облыс прокуроры Ризабек Ожаров қадағалаушы органның есігі қай кезде де ашық екенін атап өтті. Өткен жылы 3 мыңнан астам жеке қабылдау ұйымдастырылса, оның жартысынан көбі прокуратура басшылығына бағытталды. Облыс прокуроры мұны халықтың сенімі әрі нәтижелі жұмыс деп есептейді.

– Осыған дейін біз облыс әкімімен бірге аудан орталықтарында жеке қабылдау өткіздік. Мемлекет басшысының «Әділетті Қазақстан: заң мен өмірді, экономикалық өсім, қоғамдық оптимизм» атты Жолдауындағы «Заң

және тәртіп» қағидатын жүзеге асыру бағытында «Заң керуені» акциясын жүзеге асырып келеміз. Қызметкерлеріміз әрбір ауылда тұрғындарға заңдық кеңес беріп, құқықтық түсіндіру жұмысын жүргізді, – дейді Ризабек Ожаров.

18 ақпанда кәсіпкерлер мен инвесторлардың өзекті мәселелерін қамту, олардың сұрақтарына жауап беру мақсатында «Инвест Керуен» жобасы басталды. Осыған дейін «Акса Энерджи», «Гезуба Шиелі» сияқты инвесторлармен, Шиелі және Жанақорған аудандарының кәсіпкерлері диалог алаңында болды.

Қадағалаушы органның бастамасымен өңірде 3 жоба жүзеге асырылуда. «Смарт

білезік» жобасы нәтижесінде былтыр қылмыс саны алдыңғы жылмен салыстырғанда 28 пайызға төмендеді. «IT Tergeu» жобасы аясында жасанды интеллект көмегімен 151 қылмыс ашылды, 62 қылмыскер ұсталды.

– Интернет алаяқтық 52 пайызға, сотқа жолдау көрсеткіші тиісінше 49 пайызға артты. 41 іске қатысы бар 51 дронпердін жеке басы анықталды. Қылмыстың бүл түрі бойынша былтыр 434 млн теңге тергеп-тексеру сатысында өндірілді. Жобаның нәтижесі сол, хабар-ошарсыз кеткен 91 адам тәулік ішінде табылды, – дейді облыс прокуроры.

Ал «Нашақорлыққа жол жоқ» жобасы бойынша 1,5 тонна есірткі заңсыз айналымнан алынып, 54 есірткі алқабы, есірткіні егіп өсірумен айналысқан 3 фитоэртхана анықталды. 2 тран-

сұлттық, сондай-ақ 2022-2023 жылдары голландиялық марихуана өсірумен айналысқан ұйымдасқан қылмыстық топтың 22 белсендісі құрықталды. 2 халықаралық және 7 аймақаралық есірткі тасымалдау арнасының жолы кесілді. Әлеуметтік желілерде синтетикалық есірткі сағуды жарнамалайтын 304 сайт бұғатталды.

– Қылмыспен күресте прокуратура, полиция, жергілікті билік үзектілігі шенберінде жұмыс атқаруда. Дегенмен, құқықбұзушылыққа қоғам болып қарсы тұруымыз қажет. Зансыз істерді әрдайым әзіршеп, егер кеткен жерлерді түзеуге бәріміз атсалысуымыз керек, – дейді Ризабек Ожаров.

Назерке САНИЯЗОВА, «Сыр бойы»

ВАГОН ЗАУЫТЫ ІСКЕ ҚОСЫЛАДЫ

Қазіргі кезде жыл сайын қысы-жазы жолаушыларды дүтітеген жеріне жеткізу үшін 3000 вагон қажет. Жолаушылар вагонын жөндеу, талапқа сай қайта жабдықтаудың мерзімі бар. Жүру шақырымына байланысты белгілі бір уақытта вагондар тексеріліп, жөндеуі керек. Осы кезге дейін вагондарымызды Ташкентте, жеке және өзге де мекемелерге жөндетіп келдік. Бұл тиімсіз болды, жөндеу жұмыстары көңілден шыға бермейді. Содан неге өзіміз осы вагон жөндеу, шығару ісін қолға алмасқа деген ой келді, – дейді ол.

Қазір халық сапаны талап етеді, басқа елдердегімен салыстырып қарайды. Вагондардың жолаушылар үшін қызметі, қолжетімділігіне мән береді. Дамыған елдердің транспорт саласын қадағалап отырады.

– Жолаушылар пойызға мінгенде тазалығына, сапасына қарайды. Әсіресе жастар жағы интернет арқылы бәрін бақылап отырады. Сондықтан әр вагонда жүйе бар. «WhatsApp» желісі арқылы жолаушылар өздерінің уәждерін айта алады. Мәселен, қолжұғыш, желдеткіш, жылулан мәселелер болса, желі арқылы хат жолдай алады. Осылайша шешімін табуға мүмкіндік қарастырылған. Бұған кез келген жолаушы құқылы. Жолаушылардың 60-75 пайызы өз пікірлерін білдіріп отырады. Осы ескертулер белгіленген нормадан асып кетсе, беріліп жатқан субсидияны қысқартып тастай алады. Сондықтан тұтынушы талабы бірінші ескеріледі, – деп толықтырды кеңесші.

Сонымен серіктестік «Жолаушылар вагондарын жөндеу, техникалық қызмет

көрсету кешені және вагон құрастыру зауытының» жобасын іске асыруда.

Директор кеңесшісінің айтуынша, 15,4 млрд теңге инвестиция салынған жоба екі кезеңде жүзеге асады. Бірінші кезеңде жылына 560 жолаушылар вагонын ағымдағы жөндеу, 180 вагонға депо жөндеу кешені жоспарланған. Құрылыстың ішкі жұмыстары жалғасын табуда. Құрал-жабдықтар Ресейден жеткізілген. Бұдан бөлек, жобаны «Даму» кәсіпкерлікті дамыту қоры» АҚ 2,2 млрд теңгеге қаржыландырып отыр.

Екінші кезеңде жаңа технологияларды пайдаланып, вагон құрастыратын өндіріс құрылады. Ол – жылына 30-40 вагон шығаратын «Қызылорда вагон құрастыру зауыты». Дайындық жұмыстары осы жыл-

дың екінші жартыжылдығында басталады. Ресейден және ҚХР-дан жабдықтау сатып алуға қажетті 8 млрд теңге «Өнеркәсіпті дамыту қоры» АҚ арқылы қарастырылуда екен.

Тәжірибе жинақтау мақсатында мекеме мамандары ресейлік әріптестерімен бірігіп, Ташкент қаласындағы вагон шығаратын зауытта болып, стандартқа сай 17 вагон шығарды. Оның ішінде пласкарт, күпе және мүмкіндігі шектеулі жандарға арналған күпе де бар. Вагондар талапқа сай жабдықталды. Мамандар тәжірибе алмаса отырып, шыңдалды. Одан әрі Беларусьтің Минск қаласында осындай зауытта болып, ол жақта да стандартқа сай екі вагон шығарды.



– Біз тұрған мына жер 2019 жылы ой болатын. Оны тегістеп, ретке келтірдік. Құрылысын бітірдік. Келешекте қанша шақырым жол жүріп, қала мен қала арасын жалғап, жолаушыларды тасымалдаған вагондар осында келеді. Дөңгелегінен бастап тозған бөлігінің бәрі де арнайы 9 пункттен тұратын тексерістен өтеді. Жөнделеді, келесі рейске дайындалады. Жай жөндеуден бастап күрделі жөндеудің бәрі де жүзеге асады. Жылына 500 вагон жөндеуге жоспарда бар. Бастысы, вагон жөндеуге барлық мүмкіндік жасалады. Заманауи техника да жеткілікті.

Екінші кезең вагон құрастыру. Әрбір жобаның басында кадр мәселесі маңызды. Бұрынғы мамандар қазір жоқ. Біздің ұтатынымыз, қасымызда екі депо тұр. Соның мамандарымен қоса, жастарды да қосымша оқытып, қайта даярлаймыз. Тағы бір ерекшелігі, 7 аудан да теміржолдың бойында орналасқан. Сондықтан бұл сала бізге тансық емес. Тәжірибемізді кейінгі буынға үйретеміз, олардың талабы қуантатын, – дейді ол.

Сондай жастардың бірі – Мұса Құлмағанбет. Ол «Марал Нұр» ЖШС мекемесіне 2019 жылы жұмысқа қабылданған. Жолсеріктен бастап бірқатар қызмет атқарған. Қазір бір жылдың көлемі болған, депода инженер. Білікті мамандардың арқасында тәжірибе жинап жатқанын алға тартты.

Көп ұзамай Қызылордадан шыққан жаңа вагондар жолаушыны тиісті жеріне жеткізеді. Бұл қуанышты жаңалықты да бөлісетін күн алыс емес.

Сара АДАЙБАЕВА, «Сыр бойы»



«APARU» ҚОСЫМШАСЫ ІСКЕ ҚОСЫЛДЫ

Қалада жолаушылар мен көлік жүргізушілер үшін «Арагу» такси қосымшасы жұмысын бастады. Отандық бағдарлама тұтынушыларға жасырын комиссиясыз қызмет көрсетеді.

Қосымшаны іске қосу рәсімі «Достық» аллеясында өтті.

Айта кету керек, «APARU» – Өскемен қаласында жасалған қазақстандық энтузиасттар тобы құрған стартап. Қызылордада іске қосылғаннан кейін сервисі еліміздің басқа өңірлерінде де масштабтау жоспарлануда дейді өкілдік. Қосымшаны App Store және GooglePlay онлайн дүкендерінен жүктеуге болады.

ҮЗДІК ҮШТІКТЕН КӨРІНДІ

Елордада 8-11 сынып оқушылары арасында республикалық ғылыми жобалар байқауы өтті.

Онда «Шижжаға» елді мекеніндегі №57 орта мектептің 10-сынып оқушысы Данагүл Нұралы «Өлкетану» секциясы бойынша үздік үштікті қорытындылады.

Аймақ мерейін асырған жүлдегер шәкірттің жетекшісі – Жанар Жұмашова.

АНТИЯДРОЛЫҚ ҚОЗҒАЛЫСТЫҢ МАҢЫЗДЫ БЕЛЕСІ

Биыл «Невада-Семей» антиядролық қозғалысының құрылғанына 36 жыл толып отыр.

Осыған орай аудан әкімдігінің мәжіліс залында Семей сынақ алаңында әскери борышын өтеген қазалық ардагерлермен кездесу өтті. Кездесуде аудан әкімінің орынбасары Жәнібек Алиев ардагерлерді құттықтап, аудан әкімінің Алғыс хатымен марапаттады және арнайы сыйлықтар табыстады.

ДӘСТҮРЛІ АУДАНДЫҚ СПАРТАКИАДА

Аудандық білім бөлімінің ұйымдастырумен №26 мектеп базасында мектеп оқушылары арасында «Ұлттық ойындар – рухани байлығымыз» атты аудандық спартакиада өтті.

Оған 30 мектеп 6 аймаққа бөлініп, әр мектептен ең мықтылары бақ сынасты. Жарысқа жалпы 1050 оқушы қатысты. Спорттық ойынның 11 түрінен өткен доданың қорытындысында жүлделі орындарды иеленген командалар аудандық білім бөлімінің дипломдарымен марапатталды.

ТАЗАЛЫҚ ҚЫЗМЕТКЕРЛЕРІНЕ ҚҰРМЕТ

Аудан әкімі Ардақ Ибраимов Жалағаш кентінің тазалық қызметкерлерімен кездесті.

Кездесуде аудан басшысы кенттің көркейіп, таза болуы үшін аянбай еңбек етіп жүрген тазалық қызметкерлерінің еңбегін ерекше атап өтті.

– Сіздердің қажырлы еңбектеріңіз ауданымыздың көркеюіне үлкен үлес қосуда. Алдағы уақытта да жұмыла еңбек ете береміз деп сенемін. Сіздерге табыс, зор денсаулық тілеймін, – деді Ардақ Ибраимов.

«ШІРКЕЙЛІ» АУЫЛДЫҚ ОКРУГІНІҢ ӘКІМІ САЙЛАНДЫ

Өткен жексенбіде «Шіркейлі» ауылдық округінде ауыл әкімін сайлау өтті.

Дауыс беру нәтижесінде сайлаушылардың басым дауысына ие болған Талғат Ізтайұлы Құламқалиев ауылдық округ әкімі болып сайланды.

ТАЗАЛЫҚ АКЦИЯСЫ

Ауданда «Таза Қазақстан» акциясы аясында сенбілік ұйымдастырылды. Сенбілікке аудан тұрғындары мен ұйымдар белсене қатысып, табиғатты қорғау, қоршаған ортаны таза ұстау үшін аумақтарды тазартты.

Шиелі ауданының әкімі Айтбай Жандарбеков арнайы қатысып, тазалық жұмыстарына атсалысты. Сенбілікке қатысушыларға алғысын білдіріп, бұл бастаманың ауданның тазалығын сақтау мен экологиялық жағдайды жақсартуға үлес қосатынын атап өтті.

КІТАП КӨРМЕСІ

«Руханият орталығындағы» А.Сопыбеков атындағы аудандық кітапханада Алғыс айту күніне орай «Алғыс айту – азаматтың асыл қасиеті» және Қазақстан халқы ассамблеясының 30 жылдығына арналып «Татулық пен бірліктің кепілі – Ассамблея» тақырыбында кітап көрмесі ұйымдастырылды.

Мақсаты – достық пен ынтымақтастықты дәріптеу, салт-дәстүрін, мәдениетін, өзіндік үлгі-өнегесін оқырмандарға насихаттау.

Көрмеде достық пен келісім салтанат құрған Қазақстан мен этностар туралы кітаптар ұсынылды.

Дайындаған
Айнұр БАТТАЛОВА,
«Сыр бойы»

